

新刻續博物志卷之一

晉 隴西 李石 撰

明 錢唐 胡文煥 校

張華述地理自以禹所未志且天官所遺多矣
經所不載以天包地象緯之學亦華所甚惜也
雖然華倣山海經而作故略或曰武帝以華志
繁俾芟而略之余所志視華歲時綿歷其有取
於天而首以冠其篇次第倣華說一事續一事
不苟於搜索與世之類書者小異而比華所志
加詳

爾雅既曰釋天不得不略言其趣凡有六等一曰蓋天文見周髀如蓋在上二曰渾天形如彈丸地在其中天包其外猶如雞卵白之繞黃楊雄桓譚張衡蔡邕陸績王肅鄭玄之徒並所依用三曰宣夜舊說云殷代之制四曰昕天昕讀為軒言天北高南下若車之軒吳時姚信所說五曰穹天云穹隆在上虞氏所說六曰安天晉時虞喜所論鄭注考靈曜云天者純陽清明無形聖人則之制璿璣玉衡以度其象如鄭此言則天是太虛本無形體但指諸星運轉以為天耳

天圓三百六十五度四分度之一案考靈曜云一度二千九百三十二里千四百六十一分里之三十四十八周天百七萬一千里者是天圓周之里數也以圓三徑一言之則直徑三十五萬七千里此為二十八宿周迴直徑之數也然二十八宿之外上下東西各有萬五千里是為四遊之極謂之四表四表之內并星宿內總有三十八萬七千里然則天之中央上下平半之處則一十九萬三千五百里地在於中是地去天之數也

日有九道故考靈曜云萬世不失九道鄭注引河圖

帝覽嬉云黃道一青道二出黃道東赤道二出黃道南白道二出黃道西黑道二出黃道北日春東從青道夏南從赤道秋西從白道冬北從黑道

律歷志云角一十二度亢九氏十五房五心五尾十八箕十一斗二十六牛八女十二虛十危十七營室十六璧九奎十六婁十二胃十四昴十一畢十六觜二參九井三十三鬼四柳十五星七張十八翼十八軫十七此三百五度一十八宿之度也
丑為星紀初斗十二度終於婺女七度子為玄枵初婺女八度終於危十五度亥為姬訛初危十六度

終於奎四度戌為降婁初奎五度終於胃六度酉為大梁初胃七度終於畢十一度申為實沈初畢十二度終於井十五度未為鶉首初井十六度終於柳八度午為鶉火初柳九度終於張十七度巳為鶉尾初張十八度終於軫十一度辰為壽星初軫十二度終於氏四度卯為大火初氏五度終於尾九度寅為析木初尾十度終於斗十一度
漢律歷志以前歷上元泰初四千六百二十七歲至元封七年復得闕逢攝提格之歲中冬孟康曰言復得者上元泰初時亦是闕逢之歲歲在甲曰闕

逢在寅曰攝提格此謂甲寅之歲也然則乙卯曰旃蒙單闕丙辰曰柔兆執徐丁巳曰強圉大荒落戊午曰著雍敦牂己未曰屠維協洽庚申曰土章泥灘辛酉曰重光作噩壬戌曰玄黓闔茂癸亥曰昭陽大淵獻甲子曰闕逢困敦乙丑之歲曰旃蒙赤奮若

正月得甲則曰畢陬二月得乙則曰橘如三月得丙則曰修竊四月得丁則曰圉余五月得戊則曰厲臯六月己則曰則且七月得庚則曰室相八月得辛則曰塞牀九月得壬則曰終玄十月得癸則曰

極陽十一月得甲則曰畢辜十二月得乙則曰橘
涂

八分二十八宿為十二次晉灼曰太歲在四仲則歲行三宿太歲在四孟四季則歲行二宿二八十六三四十一而行二十八宿十二歲而周天是歲星年行一次也

山海東荒經云大荒之中有山名曰大言日月所出有波谷山者有大人之國又云大荒之中有山名曰合虛日月所出有中容之國河圖括地象云二儀氣分伏者為天偃者為地

物理論云水土之氣升為天

廣雅云東方蒼天東南陽天南方炎天西南朱天西方成天西北幽天北方玄天東北變天中央鈞天五經通義云天神之大者曰昊天上帝其佐曰五帝淮南子云日出暘谷浴於咸池拂于扶桑是謂晨明登于扶桑是謂朏音斐至于曲阿是謂朝明臨于曾泉是謂早食次于桑野是謂晏食臻于衡陽是謂禺中對于昆吾是謂正中靡于鳥次西南山谷是謂小遷至于悲谷是謂晡時回于女紀是謂大遷經于泉隅是謂高春頓于連音欄石是謂下春爰息

六螭是謂懸車薄於虞泉是謂黃昏淪于蒙谷是謂定昏日入崦嵫落棠山經細柳入虞泉之地蒙谷之浦垂景在樹端謂之桑榆

呂氏春秋曰白人之南建木之下日中無影蓋天地之中也

漢書云月立夏夏至行南方赤道曰南陸立秋秋分行西方白道曰西陸立冬冬至行北方曰北陸分則同道至則相過晦而見西方謂之朏朔而見東方謂之朏亦謂之側匿朏健行朏縮進

周官天星皆有分野角亢氐兗州房心豫州尾箕幽

州斗女揚州虛危青州室東壁并州奎婁胃徐州
昴畢冀州觜螣參益州東井與鬼雍州柳星張三
河翼軫荊州

鄭司農云保章氏五雲之物二至二分觀雲色青蟲
白喪赤兵荒黑水黃豐東方朔別傳云凡占東畔
當視天有黃雲來如覆車五穀大熟青致兵白致
盜烏黑多水赤火

京房風雨占候曰黑雲如一疋皂二日中一日大雨
二疋三日雨三疋十日雨

易緯曰八節之風謂之八風呂氏春秋云東北曰歲

風亦曰融風東曰滔風東南曰薰風南曰巨風西
曰颼風西北曰厲風北方曰寒風

王充論衡曰圖畫之工圖雷之狀如連鼓形又圖一
人若力士謂之雷公使左手引連鼓右手椎之春
秋震夷伯之廟謂劈歷破之是也霹靂俗字也

梁太后信兄冀誅杜喬李固雷震憲陵寢屋

太平之時十日一雨一歲三十六雨

晉中興書曰甘露降耆老得敬則松柏受之尊賢容
衆則竹箒受之一曰天酒虹依雲陰而晝見於日
衝無雲不見大陰亦不見

炎帝赤精之君火官之臣火庭氏也

明皇在長安詔一行鑄渾儀及太衍曆先是漢洛下閎云此曆後一千年差一日有聖人出而正之至是果一千年因以一行為聖人僧一行本名珣俗姓張氏後出家改名敬賢遷化詔起塔銅人原謚大惠禪師并御製碑八分書

二十八宿為其有二十八星常度故立以為宿推測者多變如畢有十七度半甯半度星既不當度自不當用為宿星度皆以赤道為法黃道則有斜有與赤道不等

劉知幾曰兩曜日星麗於天象非如九州萬國廢置無常故海田可變而景緯無易必欲刊之國史施於何代不可也史記書有天官讀者竟忘其悞班固天文志非漢事而隸入漢書已乖越矣且如熒惑退舍宋公延齡中台告圻晉相速禍星僕顛川而賢人聚月紀少微而處士亡如斯之類志之可也若乃體分濛瀨色著青蒼丹犧素魄之躔次黃道紫宮之分野既不預於人事乃編之於策書又曰天文有志何不為人形志乎

太歲在丑乞漿得酒太歲在巳販妻鬻子藕生應月

閏月益一節芋以十二子為衛亦應月之數也

俗以五月雨為分龍雨一曰隔轍雨

雲五色為慶三色為喬或曰外赤內青為喬揚雄曰紫蜺喬雲朋圍日君子小人並進也

郭璞曰蓬飛磴則天風春則天雨蓬蠓也傳曰雷不蓋醬令人腹中雷鳴月上下弦之時觸醬輒壞里俗忘之

自古帝王五運之次有二說鄒衍以五行相勝為義劉向則以相生為義漢魏共尊劉說

東西風則晴東風則雨關西西風則雨東風則晴陽之專氣為電陰之專氣為霰

中國有洞天三十六所皆謂之天第一王屋山洞天周回萬里名小有清虛天其次委羽山洞天周回萬里名大高空明天其次太玄總真天其次三玄極真天其次寶仙九室天其次上玉清平天其次珠明耀真天其次金壇華陽天其次左神幽虛天其次成德隱玄天皆仙人所居也

木與木相摩則然金與火相守則流陰陽錯行則天地大統於是乎有雷有霆水中有火乃焚大槐人間徃徃見細石形如小斧謂之霹靂斧或謂云霹

靈楔案玄中記云玉門之西有國山山上有廟國
人歲歲出磧數千名霹靂磧給霹靂用從春至秋
乃罷禮記有雜金鑽牛骨鑽鑽與磧同音祖合切
京房易傳曰四方常有火雲五色具而不雨下有賢
人隱狔將風則踴躍欲雨則鳴

漢博士劉熙曰豫司充冀以舌腹言之天顯也在上
高顯也青徐以舌頭言之天坦也坦然高而遠也

刻續博物志卷之

新刻續博物志卷之二

晉隴西李石撰

明錢唐胡文煥校

漢明帝為太子樂人以歌四章贊之一曰日重光二
曰月重輪三曰星重曜四曰海重潤

鯨魚者海魚也大者長千里小者數千丈一生數萬
子常以五月六月就岸生子七月八月導從其子
還大海中鼓浪成雷噴沫成雨水族驚畏莫敢近
其雌曰鯢大者亦長千里

禽經曰鵝飛則鵝沉鵝鳴則鵝結又曰鶴俯鳴則陰

仰鳴則晴

白蟻聞竹雞之聲化為水竹雞自呼泥滑滑是也或曰白雞之雄亦能化白蟻

鶴性甘帶每遇巨石知有蛇即如術士禹步其石防然而轉南方學其法伺其養雛緣木以篋絙縛其巢鶴必作法解之乃於木下鋪沙印其足迹而做之

暮鳩鳴即小雨朝為鳴即大風

物有異體而相制者翡翠屑金人氣粉犀北人以針敲冰南人以線解茶

高誘注淮南子云方諸大蛤也熟摩拭令熱以向日則水生許慎說文曰諸珠也方石也

有一國王小夫人生一肉團大夫入妬之作木函棄之常河水後河邊人得之肉破生千小兒勇健欲伐父王國小夫人以乳五百道射小兒口遂弛弓伏號為賢劫千佛

帝嘗有四妃一生帝摯一生帝堯一生商之先一生周之先商後封于宋都商丘

今上於前朝作鎮睢陽汴開國號大宋又建都在太火之下

宋為火正按天文心星為帝王實宋分野天地人之冥契自古罕有

孔子生於魯襄公二十二年

老君其母曾見日精下落如流星飛入口中有娠七十二歲而生於陳國渦水李樹下剖左脰而生長一十二尺

佛者本號釋迦文即天竺釋迦衛國王子於四月八日夜從母右脇而生有三十二相當周莊王九年魯莊公七年夏四月常星不見夜明是也

脂得火可以燃鐵

佛以三月十五日夜出家二十九出家三十五得道寧國論云蜀中本無瘴捷為德陽山谷洞中壤壤而出轉轉漸大自為夫婦而益多夫土乾則生蚤地濕則生蚊積積則生蠹腐肉則生蛆蛆化為蠅蠅又自生蛆蛆又生蠅豈有窮乎

日月蝕而胎皆生兒則多疾日月晦朔弦望而私者生兒則愚癡瘡癩鈎絞了戾逐陣而私者生兒多凶暴無禮亦猶木日造麴而酸水日造醬則生蟲九焦日種穀則不生牙六合日遣鬼鬼不去火日安蜂則蜜苦土日種麻則不生

塵尾能留紅掃氍毹不蠹

馳糞煙殺蚊壁虱

李衛公言鵝驚鬼鷓鴣獸火孔雀辟惡

水母生兒無目龜鼈生兒無耳

桐廬人嘗伐竹遺竹見一宿竿雉頭蛇身猶未變乃知竹為蛇蛇為雉蛇為雉頭先化曾於青城山小路上見之

鶴所以壽者無死氣於中也

河水東北有石室室中若有積卷因謂之積書巖每見神人往還世人不悟其為仙者又謂之神鬼境

差目鬼曰唐述因名其山曰唐述山堂曰唐述窟道術之士多往棲焉

巫咸山在安縣東南巫咸右手操青蛇左手操赤蛇羣巫所從上下大荒西經曰巫咸即巫盼巫彭巫姑巫真巫且孔巫抵巫謝巫羅

先提山有鈎蛇長七八丈尾末有岐蛇在山澗水中以尾鈎岸上人牛食之水傍瘴氣特惡氣中有物不見其形其作有聲中木則折中人則害名曰鬼彈郡有罪人徙之禁防不過十日死也

真菊可以延齡野菊可以瀉人張華云黃精益壽鈎

吻殺人 是矣

子程子曰昔洛陽北部有母既生子病不能自舉乳求他婦負哺之子嬰及孩母疾不間子長不識所育負哺者盜其愛二母忿鬪于庭子佑負哺者而反踈其生母

有人為山魃所祟或教以爆竹如除夕可弭人用其言獲安問之則曰此荆楚歲時記以辟山魃鬼陰冷之氣勝則聲陽以攻之

蓬蒿者其狀如蓬枝多葉少根如絲葉如扇不搖自動風生立危厨清涼驅殺蟲蠅以助供養堯時生

於庖厨為帝王去惡孫柔玉充白虎皆云太平時蓬生於庖厨中煖一炬火爨一鑊水終日不能熱倚一尺冰置之熱厨終夜不能寒

師曠奏清角有鶴集廊門延頸而鳴飾翼而舞今世有馴養之鶴聞歌曲拊掌而舞者習之也

正月上辰出水邊盥濯食蓬餌以祓邪漢儀也

雛鳥形類鴉鳥純黑而背紅亦曰阿雛鳥烏鴉反哺為慈鳥腹下白不反哺為鴉鳥白頭者飛為鸞鳥大而白頭為倉鳥卑居為楚鳥又鴉鳥為賈鳥莊子曰鴉賈也

相家說人臣得龍之一體當至公相曾公亮得龍之脊王安石得龍之睛

魚勞則尾赤人勞則髮白

鱣黃魚口在頷下無鱗長鼻軟骨俗謂玉板長二三丈江東呼為黃魚

網魚得鱣不如啖茹

南越志曰烏鰂懷墨而知禮江東人或取其墨書契以給人物書迹如淡墨逾年墨消空紙耳

抱朴子瞻蝮壽至千歲者頭上有角頷下有丹書八字

裴頡崇有論曰鳥無胃肺蛤蜊無臟蛭以空中而生蠶以無胃而育

眊抱者鵠鵠鵠也影抱者通靈龜也

視鴟制施觀魚制阮

神和子姓屈突名無為字無不為張詠布衣時遇之海蟾子姓劉名昭遠華山陳搏館之道院與神放往來

廣德先生杜光庭處州人仕唐為內供奉避亂入蜀

王氏爵為師臣

爾朱先生偽蜀廣政中飲酒食猪臙渝州刺史謂其

幻惑以竹籠沉之江，玉變為漁人所得，上昇嚴補闕得青金丹方，朱挑稚薛稷圖其形傳於世。

呂洞賓謂侯生曰：蛇蝎天地淘以自然之氣使之生，以逐性殺此，故彼有損無益，取紙隱語三口共一室室畔水偏清，乃呂洞賓字。

陳希夷先生一睡或半歲或三數月，近亦不下月餘，留藏真息，飲納玉液，吾睡真睡也。曾與毛女游。

鯉魚大小並三十六鱗。

蝟能跳入虎耳中，見鷓便自仰腹受啄。

水蛭亦如魚子，經三年得水猶活。

蛇蛻塞兩耳，治瘡疾，覆盆子是莩子，竿取汁合成膏，塗髮不白，麋鹿非八卦辰屬，不葷膾能溫補於人，生死無尤，道家聽用為脯。

天寶中河南雒氏縣太子陵仙鶴觀，每年九月三日，夜有道士一人得仙，已有舊例，至日具姓名申府，張錫忠為令，不之信，陰令二勇士執兵覘之，至三更有一黑虎入觀來，銜一道士射之不中，葉道士而去，令於是申府請弓矢，大獵石穴中，格殺數虎，或金簡玉錄冠帔髮骨甚多，其觀遂廢為陵使之居。

晉元康中梁國女子許嫁而夫成經年不歸女家更強以適人尋病亡夫還問女所在夫徑至墓開棺女遂活因與俱歸後壻聞知詣官爭之王導曰此非常事不可以常理斷之宜還前夫

惠帝世杜錫家葬婢誤不得出後十年開冢祔葬而婢尚主初婢之埋年十五六及開冢更生猶十五六嫁之有子

太和中有關周世家得殉葬女子數日而有氣數日而能言郭太后愛養之又太原人破棺得一生婦人視其墓木可三十歲

南方水癡其大如槩類鼻涕聞人氣則閃閃而動墮人體成瘡以射香朱砂塗之愈



博物志卷二

新刻續博物志卷之三

晉 隴西 李石 撰

川 錢唐 胡文煥 校

禹長九尺九寸湯長九尺孔子長十尺文王長十尺
伍子胥長一丈骨間一尺韓王信八尺九寸金日
蟬八尺二寸東方朔九尺三寸王莽時奇士巨母
鬮長一丈大十圍本出於蓬萊魏咸熙大人見襄
武長二丈脚跡三尺二寸符健皇始四年有長人
身長五丈是月霖雨河渭泛溢中流得大履一隻
長七尺三寸履指長尺餘

漢武故事東郡送一短人長七寸曰巨靈光武時潁川張仲師長二寸東方朔曰西北荒中有小人長七寸朱衣玄冠鶴國男女皆長七寸海鵠吞之腹中不死

子華子曰黃帝之治天下也其精微之感蕩上沉而下浮為百福之聚是百神受職於庚也帝乃採銅煉剛質也登彼首山就高明也作大鑪者鼓陽化神鼎者熟物之器也上水而下火二氣升降以相濟中和之氣也犀龍者衆陽之氣雲者龍屬也帝鄉者靈臺之闕而心術之機也弓裘衣冠者帝之

所以善世救俗之具也甚矣世之好怪也後世必有人主好高而慕大以文生輕舉為羨慕者左右狡詐希寵之臣又從而逢之是將甘心於黃帝之所造也

玉蜀觀洞高駢帥蜀取罪人以繩絆其腰令探淺深繩兩月方絕出青城山洞天觀門

巫山道士黃萬護以符藥故人蜀王遣召之鋪草席水而流而上一日至成都省郎曹國鄙其人

李德裕好餌雉朱有道士自云李終南笑曰此是世間九火服之反促壽因出一玉象子狀如拳曰此

可求勾漏瑩澈者燃香致象鼻下勿令婦人雞犬
死之三五日象自服之即復吐出乃可服此火玉
太陽之精疑結已三萬年以相公好道因以奉借
唯忠孝是念無自貽咎又出金象云此是雌者貴
其相伴不爾玉象飛去德裕服之有異乃於都下
採聘名姝至百數不止象砂不復吐後南遷再遇
道士怒甚索二象是夕風雨濤瀾并作玉象如團
火飛出船德裕死於朱崖

顏真卿遇道人陶八人授以碧霞丹餌之曰七十七
有厄如有即言後為盧杞所陷謫死希烈敗返葬

狀貌如生徧身金色爪甲出手背鬚髮皆長數尺
人咸異之後有商人遇之於羅浮山寄書至偃蹇
顏氏守瑩者曰此先天師親翰書法蠶頭馬尾真
得仙也

唐武宗四年官市郎中有疑為狼筋者有老僧云貧
道昔曾以一千於賈胡市得三枚狀如巨螭兩頭
光帶黃色涇帥段祐宅失銀器十餘集奴婢環庭
灸之虫慄動有一女奴臉脣瞬動乃竊器者

返魂香東方朔曰月氏國使者獻香曰東風入律百
旬不休青雲千呂連月不散意中國將有好道之

續博物志卷三
君故搜奇蘊異而貢神香乘沈牛以濟弱淵策驥
足以度流沙今十三年矣香能起天殘之死疾下
生之神藥也疾疫天死者將能起之以薰牙及聞
氣者即活明日失使者所在後元元年長安疫死
者太半帝分香燒之死未三日皆活芳氣三月不
歇餘香一旦失亡

涼土異物志葱嶺水分流東西西入大海東為河源
禹所言崑崙蓋本河所出也潛發于蒲昌洛書所
紀出於重野經積石為中國河也張騫但能至大
苑見河水初示達其潛發處桑欽水經云崑崙在

河水西北去嵩高五萬里其高萬一千里鄰道
云崑崙之山三級下曰樊桐一曰板松二曰玄圃
一名閼風上曰層城一名天庭是謂大帝之居十
三州志云山去北海岸十三萬里有弱水周匝東
南接積石高誘曰河出崑山伏流地中萬三千里
禹導而通云以出積石山海經乃云自崑崙至積
石一千七百四十里又曰西海之南流沙之濱赤
水之後黑水之前有大山曰崑崙又曰鍾山西六
百里有崑崙周穆王崑崙瑤池去周之澠澗特萬
有一千一百里西王母告穆王云去咸陽乃三十

六萬里東方朔十洲記方丈在東海之中央羣仙所治為崑崙山有三角曰閻風曰玄圃曰崑崙宮張華所叙崑崙銅柱為天柱蓋本方朔神異經也釋氏西域志阿耨達山上有大淵水宮殿樓觀甚大即崑崙山穆天子所至即阿耨達宮也西為新頭河為天竺諸國皆度葱嶺郭璞曰似別有小崑崙

李畋虞部該聞錄所取神仙七人爾朱先生真人挑稚神和子屈突無為海蟾子劉昭遠樂隱先生火井縣許山人漢杜光庭

龍腦香段成式云出波律國樹高八九丈可六七尺圍乾脂為香清脂為膏子主內障障眼又有蒼龍腦不可點眼經火為熟龍腦

香譜云麝以一子真香操作三四子刮取血膜雜以餘糝皮毛不辨也黎香有二色蕃香蠻香又雜以黎人撰作官市動至數千計何以塞科取之責所謂真有三說鹿羣行山中自然有麝氣不見其形為真香入春以脚剔入水泥中藏之不使人見為真香殺之取其臍一鹿一臍為真香此余所目擊也

仁善盛明曰舜殘民多疊曰桀殘義損善曰紂慈惠
愛親曰孝愛民好與曰惠聖善周文曰宣聲聞宣
遠曰昭克定禍亂曰武聰明睿知曰獻溫柔性善
曰懿布德執義曰穆仁義說民曰元安綱治紀曰
平亂而不損曰靈保民耆艾曰明辟土有德曰襄
貞心大度曰匡太慮慈民曰定既過能正曰恭不
匡其國曰聲一德不鮮曰簡夙興夜寐曰敬清白
自守曰貞柔德好聚曰靖安樂治民曰康小民畏
忌曰僖中身早折曰悼慈仁和民曰傾好勇致力
曰莊恭仁短折曰哀佐國逢難曰愍名實過爽曰
繆壅過不通曰幽暴虐無親曰厲致志士圖曰曷
辟土蕪國曰桓經緯天地曰文執義揚善曰懷短
折不成曰殤去禮遠衆曰惕忌政外交曰攜治典
不敷曰震

太學同官有曾官廣中者云沉香雜木也朽蠹浸沙
水歲久得之如儋崖海道居民橋梁皆香材如海
桂楠柚之木沈於水多年得之為沉水香本草謂
為似橘是矣然生採之即不香也

海藥本草云降真香主天行時氣燒之或引鶴降
省頭香即香附子

續博物志卷三
倉頡解詁云芸蒿似邪蒿可食魚豢典略云芸香辟
紙魚蠹故藏書臺稱芸臺

南唐女冠耿先生烏爪玉貌獲寵於元宗將誕之夕
震雷繞室大雨河傾半夜雷止耿身不復孕大食
國進龍腦油上所秘惜先生見之曰此非佳者當
為大家致之乃縫夾絹囊貯白龍腦一斤垂於棟
上以胡餅盛之有頃如注上駭嘆不已命酒泛之
味逾於大食國進者又於元宗前搨雪為銀鋌投
紅爐淬之成中金指痕猶在又取宮妓箕中糞壤
炒為銀開寶末內庫尚有先生糞銀炒小麥於銀

釜成真珠

禹治水土至北海之北有國曰終北國之中有山
名壺領狀若甌甑頂有口狀若負環名曰滋穴有
水湧出名曰神瀆臭過椒蘭味逾醪醴一源分為
四埒注於山下民飲於神瀆浴於神瀆此列子寓
言也

泥壁未乾揮涕其上陰雨中化為蟲狀如蚓
東方介氏之國其國人收斂解音聲之語者蓋偏知
之所得太古神聖之人備知萬物情態悉解異類
音聲會而訓之言血氣不相殊也

條支國臨西海出師子大雀郭義恭廣志曰大雀頸
及身膺蹄都似橐駝舉頭高八九尺張翹丈余食
大麥其卵如壘今之駝鳥也漢元帝時有大鳥如
馬駒時人謂之爰居

環王國野象一牡管三十余牝牝者牙纒二尺迭供
牡者水草卧則環守牡象死共埋之號吼其處乃
散

鼈為臍數食可長髮

鯢魚心肝及頭毒如野葛

蝮蟻大者力能與虎鬪取之不戒螫能剪殺人

鱉皮殼甚銳然性畏蚊蚊小螫之輒斃燕山錄曰
羊以鼈煮鱉以蚊物有相感鶉鳩飲水數升而
足鱧鮪入口若露而死猿有手可以捕鼠而制鼠
鼠鹿有角可以觸犬而制於犬



國家圖書館, NATIONAL CENTRAL LIBRARY, TAIWAN, R.O.C.



續博物志卷三

新刻續博物志卷之四

晉隴西李石撰

明錢唐胡文煥校

燧人四佐明由時升級也必有受稅俗賦也成博

受古諧也隨丘受延嬉也

伏羲六佐金提主化俗也烏明主建福利也視默

主災惡害也紀通為中職內也仲起為海陸上也

陽侯為江海水也

黃帝七輔風后受金法天老受天籙五聖受道級知命受糾俗窺紀受變復地典受州絡力墨受淮斥

力墨
作力

陶淵明云事見論語摘輔象孔長彥孔季彥兄弟聚徒數百故時人為之語曰魯國孔氏好讀經兄弟講誦皆可聽學士來者有聲名不過孔氏那得成孔子生鯉字伯魚鯉生伋字子思伋生白字子自上白生求字子家求生箕字子京箕生穿字子高穿生子順相魏自叔梁紇至子順九世魏城大梁七蟲之精曰麟羽蟲之精曰鳳介蟲之精曰龜鱗蟲之精曰龍裸蟲之情曰聖人向校勘以來子歆為七略大凡萬三千二百六十

大卷王莽焚燒之後王允收而西者僅七十餘道遠復棄其半荀勗分經史子集為四部大凡九千九百四十五卷西晉李允以勗舊部校之在者三千一十四卷宋謝靈運造四部目凡四千五百八十二卷王儉造目錄萬五千七十四卷齊王亮造書目萬八千一十卷梁任昉文德殿所藏二萬三千一百六卷元帝克平侯景收文德殿書歸江陵凡十餘萬卷周師焚之宋武所收四千卷後周書目八千增至萬卷周武平齊僅至五千卷唐滅隋魏鄭公盡收圖書載以船經砥柱沒十之七八

大凡八萬六千九百六十六卷見在三萬六千七百八卷開元中四部目錄凡五萬一千八百五十二卷

自秦同書文丞相斯作倉頡篇中車府令高作爰歷篇太史敬作博學篇文園令相如作凡將篇黃門令游作急就篇皆書文之林苑欲識字者不可不知惜哉凡將已上不可復見急就章存焉西京文氣亦可見矣顏籀注此書嘗得皇象鍾繇衛夫人王會稽等篇世所傳唯張芝索靖二家為真章草書芝有鳳爵鴻鵠等數行靖所書乃三之二自思

縛而下闕七百五十字

前輩云於字必字無草書

宋袁淑文廬山公九錫文荷索致餐爾之功音隨時興爾之智用不應時爾之鳴長頰廣額脩尾後垂爾之能是用遣中大夫閭丘盧加爾使御大鴻臚班脚大將軍以揚州之廬江吉之廬陵吳之桐廬封爾為廬中公大蘭王凡錫文太亥十年乙亥朔十三日丁亥燕伯使者豪弼冊命大蘭王曰咨資泰養於人主雖無爵而有秩君之純封國承氏君之美白躡彰於周詩涉波應乎隆象君之德長驅

直突陣無全鋒君之勇

宣父因禱尼山得名丘字仲尼子名鯉字伯魚史鮪亦字子魚冉耕字伯牛如鬪毅於菟之類黑臀杵白之類甚多

宋齊丘乃字超回不自量如此孟軻莊周其字不傳或云軻字子輿周字子休皆後人以意取之耳東漢無復名或云王莽之禁泐襲所致

不可為叵如是為爾而已為耳之乎為諸西域二合之音切字之原也

絳州碧落觀天尊像高丈餘唐龍朔中刺史李琪

毋氏太妃追薦所造上有篆文老黃冠云李史君高宗之子有二道士求篆此文閉戶篆畢化為二白鴿飛去餘一及字欠一畫李陽冰於此學篆凡十二年終不得其妙

明皇獲二十七仙王像於寧州羅川縣金華洞奇偉異狀各各不同內有心星一坐甚美手板復有明致御名其地屬互可思莊其人已百歲後置真寧觀改羅川為真寧縣今有王象圖傳於世

乾元末肅宗獲十三寶於楚州改元寶應天寶中大宛進汗血馬六匹一曰紅叱撥二曰紫叱

撥三曰青叱撥四曰黃叱撥五曰丁香叱撥六曰
桃花叱撥上乃製名曰紅輦曰紫玉輦曰平山輦
曰凌雲輦曰飛香輦曰百花輦後幸蜀以平山凌
雲為讖西京雜記漢文自代還有良馬九匹皆天
下駿也一浮雲二赤電三絕群四逸驃五紫鸞六
綠驪七龍子人驕駒九絕塵號九逸

易林曰巽為雞雞鳴節時家樂無憂

皇覽曰蚩尤冢在東郡壽張縣關鄉城中高七尺常
十月祠之有赤氣出如絳名為蚩尤旗

穀城西流泉西北入濬水城西北三里有項羽冢石

碣猶存題云項王之墓皇覽謂去縣十五里謬也
彭城穀陽城西南又有項羽塚水經謂為非魯為
楚守漢王以羽首示魯乃降遂以魯公禮葬羽於
穀城以穀陽城穀城二塚得非身首異處乎皇覽
曰山陽鉅澤縣有肩髀塚黃帝殺蚩尤身首異處
故別葬亦二塚也

濟水東北灤水出焉灤水出歷縣舊水涌若輪齊侯
會于灤是也有舜妃廟對山有舜祠舜井舜耕歷
山亦云在此蒲坂縣西有歷觀舜所耕歷山有舜
井為汭二水山上有舜廟周處風土記曰舜葬上

續博物志卷四
虞耕處即始寧剡二縣山下多柞木吳越之間名柞為櫪故曰歷山二說一以灤為歷一以櫪為歷未知孰是皆酈道元說

牧靡縣因草得名生牧靡可以解毒鳥多誤食鳥啄口中毒必急飛往牧靡山啄牧靡以解毒

馬出越睽之西若羔紐莎縻之粉米飲之七歲可御日馳數百里

東觀漢記王阜為益州太守神馬四出滇河中魏末有神馬夜過官牧迹大如斗入河水中

上誥金陵古名之為伏龍之地句曲山秦時為句曲山壇懷以積金山得名山生黃金漢靈帝詔採曲之金以充武庫孫權遣宿衛人採金屯伏龍地因改名金陵陶洪景云大茅山尚有數坑名金井山之近東諸處碎石往往皆有金砂真誥又云水色白都不學道飲此水亦令人壽亦金津液之所溉耶

岡山有穴通大句曲山有石腦在方山下石腦故如石但小斑色而軟形狀圓小如層色似鍾乳李整昔有風疾先多房事服此乃愈

豫章城南門曰松楊門門內有樟高七丈五尺大二

十五圍垂陰數畝漢官儀曰豫章郡樹生庭中因以為名

劉歆云湖漢等九水入彭蠡因言九江

沫水出廣柔徼外有石紐鄉禹所至也

沫水自蒙山至南安溷崖水脉漂疾歷代為患蜀守李冰發卒鑿平溷崖河神鬲怒冰操刀入水與神

鬲遂平溷崖

新刻續博物志卷之四

新刻續博物志卷之五

晉隴西李石撰

明錢唐胡文煥校

女媧之功烈上際九天，下契黃壚，名聲被後世，光輝重萬物。乘雷車，服應龍，駮青虬，席蘿圖，震黃瑤，援絕瑞，前白螭，後奔蛇。

項浚始學篇曰：天地有天皇十三頭，洞冥記曰：一姓十三人，徐整曆紀曰：歲紀攝提元氣肇有神靈一人，有十三頭，始學篇曰：人皇九頭，兄弟九人，九州各居其一。

夷者觝也其類九吠夷千夷方夷黃夷白夷赤夷玄夷風夷蠻者慢也其類八天竺咳首僬僬跛踵穿曾僖耳狗執旁春戎者兇也其類六僥夷戎央老白耆羗鼻息天剛狄者辟也其類五月氏臧貊匈奴單于白屋

蜀蠻邛部川都王蒙備死氣未絕其妻子以錦敷足相續繫死者曳之於地置十數里外高山上令氣絕乃復以錦被裹而埋之會其族哭之名作鬼親守近州蠻人說其事倭辰余國或橫書或在書或結繩或鑿木唯高麗摹寫穎法取正中華

以清水漱口飲酒至斗不亂或曰酒毒自齒入也

南人好飲茶孫皓以茶與韋昭代酒謝安詣陸納設茶果而已北人初不識開元中太山靈巖寺有降魔師教禪旨以不寐人多作茶飲因以成俗

楚人陸鴻漸為茶論并煎炙之法造茶具二十四事以郡統籠貯之常伯熊者因廣鴻漸之法伯熊飲茶過度遂患風氣或云北人未有茶多黃病後飲病多腰疾偏死

唐則天於東都造明堂高三百尺九州鼎置明堂之下當中豫州鼎高一丈八尺受一千八百石餘各

依方面高一丈四尺受一千二百石都用銅五十
六萬七百一十二斤

禹治洪水觀於河見白面長人魚身出曰吾河精也
授禹河圖而返於淵又曰堯修河洛有五老相謂
河圖將來告帝以期知我者重瞳也五老乃翻為
流星而升于昴

山東風俗遇正月取五姓女年十餘歲共卧一榻覆
之以衾以箕扇之良久如夢寐或欲刺文綉事筆
硯理管絃俄頃乃寤謂之扇天下卜以乞巧

衡山五嶽之南嶽也黃帝以潛霍為山之副爾雅云

霍山為南嶽至漢武以衡山道遠徒祭于廬江潛
山或曰衡山即霍山山海經衡山即岫嶺山常山
者陰終陽始其道長久故北山曰常山山亦怕其
山五穀四種五獲

一勝梁米以純苦酒一斗漬之三日出百蒸百暴遠
行一食十日不饑重食四百九十日不饑又方米
一斗赤石脂三斤水漬之二三日搗為圓如李大
可辟穀

靈寶五符經用白鮮米九蒸九暴

庚桑名楚史記作尤桑

夏棘字子棘為湯大夫列子作夏革

月令曰椒是玉衡星精服之身輕能老栢是仙藥又云進酒次第當從小起以年少者起先
燃草爆竹起於庭燎

正月望祭門先以楊枝插門隨楊枝所指以酒脯飲食及豆粥插筯祭之

酒杯藤出西域藤大如臂葉似荷花實如梧桐花堅可以酌酒有文章映徹可愛實大如指如豆蔻香美銷酒來至藤下摘花酌酒仍以其實醒酒國人寶之不傳中土張騫使大宛得之出張騫出關志

菊花舒時採莖葉雜黍米釀之至來年九月九日始熟謂之菊花酒

孟詵云葡萄不問土地但收之釀酒皆得美好

昔有於王敦城下得一銅缸中間鑄一物如羊頭其身如篆文乃飛廉也

倉頡本鳥迹為字取其孳乳相生故有六義秦用篆文燒書古文遂絕或曰大篆出周宣王史籀小篆出秦李斯及胡毋敬又曰古隸之書起於秦省篆為隸以便文行劇務以明隸者篆之捷也或曰程邈於雲陽增損或云臨淄人發古塚得銅棺前和

外隱為隸字言齊太公世孫胡公之棺唯三字是古隸證知隸自古非始於秦或曰秦人王次仲變倉頡舊文為今隸文始皇竒而召之三徵不至秦檻車徵之次仲化為大鳥飛去落三翻於山山有大翻小翻之名

彭城縣古彭祖之國也世本曰陸終之子其三曰錢是為彭祖下曰彭祖塚彭祖長年八百綿壽永世而亦有塚者蓋亦元極之化

蒲坂西舜所都有姓劉名墮採楫河流醞成芳酎食同枯枝之年辨於桑落之辰故酒得其名方士之

黃最為佳酌每云索郎有顧思同旅語索郎反語為桑落也

海中有庭朔山上有桃木蟠屈三千里枝東北懸門萬鬼所出入也茶與鬱壘居其門執葦索以會鬼故卜有二月歲竟臘之夜遂以茶壘并掛葦索於門

王充云會稽本山名夏禹巡狩會計於此遂以為郡或曰此非五嶽禹時吳裸斷髮文身無會計事

董生春秋繁露曰春旱以甲乙日為蒼龍長一丈八尺居中央為小龍七各長四尺於東方皆東向其間相去八尺小童八人齋三日服青衣而舞之下

博物志卷五
三時准此皆燔雄雞燒瑕猪尾於里北門及市中
以祈焉

蜥蜴求雨法以土實巨甕作木蜥蜴小童操青竹衣
青衣以舞歌曰蜥蜴蜥蜴興雲吐霧雨若滂沱放
汝歸去

交州安陽王有神人名臯通為安陽王治弩一張一
發殺三百人

今之所謂石九十二斤法為淮漢秤三百四十一斤
也今之蹶弩九石古之二十五石比魏武卒二人
之力挽弓三石古之三十四鈞比顏高之弓當五人
有餘

新刻續博物志卷之五



續博物志卷五

五

新刻續博物志卷之六

晉 隴西 李石 撰
明 錢塘 胡文煥 校

少典產黃帝黃帝產元囂元囂產蟠極蟠極產高辛
是為帝學帝學產放勳是為帝堯

黃帝產昌意昌意產高陽是為顓帝昌意元囂弟顓

帝產窮蟬窮蟬產敬康敬康產勾芒勾芒產螭牛

螭牛產瞽叟瞽叟產重華是為帝舜及象

顓帝產鯀鯀產文命是為禹

唐六典三年一享帝學氏于頓丘享唐堯於平陽稷

契配享虞舜於河東咎繇配享夏禹於安邑伯益配享商湯於偃師伊尹配享周文王於鄴太公配享武王於鎬周公配享漢高祖於長陵蕭何配享皆以仲春之月

蜀州青城丈人山每歲春秋一時享以蔬饌以縣令行

卓頻秦書曰符堅高陸縣民穿井得龜大二尺六寸背文負八卦古字堅以石為池養之十六年而死取其骨以問吉凶名為客龜言我將歸江南不遇死於秦曾於夢中自解曰龜三萬六千歲而終符

秦亡之證

秦龜即山中龜不入水水中神龜長一尺二者佳龜見蛇則呬而食之

李德曰楊維蜀王本紀言張儀築城依龜行迹築之到此間龜殼酒庫官宇文遇曰此嘗為主庫小吏見龜殼長六尺元和初高崇文截以為帶跨

野王縣東南有孔子廟有碑魏大和元年孔靈度以舊宇毀址求脩復野王令范衆愛河內太守元真刺史高允表間立碑於廟治中劉明別駕呂次文主簿向班虎苟靈龜以宣尼大聖非碑頌所稱宜

立記馬仲尼聞殺鳴犢旋車而反晉思之爲立廟
碑云孔氏官於洛陽下追思聖祖故立廟亦猶劉
累遷魯立堯祠於山矣

鷺鳥雄小雌大庶鳥雄大雌小

鷓鴣能勅水故宿水而物不害鷓能巫步禁地啄木
遇蠹以嘴畫字成符而蠹自出鵲有隱巢木鷺鳥
不能見燕嚙避戊巳日則巢固而不傾鸛有長水
石故能於巢中養魚而水不涸燕惡艾雀欲奪之
則嚙其中

爲有長翰毛江東人取以爲睫攤名之曰白鷺縷

虎鷹能飛捕虎豹身大如牛翼廣二丈

諼草一名鹿葱花名宜芳風土記云姪婦佩其花生
男也

李衛公云金錢花損眼

牡丹初不載文字惟以藥見本草唐則天以後洛花
始盛沈宋元白亦不及也劉夢得有詠魚朝恩宅
牡丹但云一叢千朵謝靈運言永嘉竹間多牡丹
今越花不及洛花遠甚或曰靈運之所謂牡丹今
之芍藥特甚於吳越

杞菊山芋牛蒡道家以爲嘉蔬江淮百合根大而味

甘南地微苦其次決明合歡槐芽亦可食孫思邈以合歡爲萱草稽叔夜合歡蠲忿萱草忘憂兩物也

山蕭一名山縹神異經作獠永嘉郡記作魅一名山駱一名蛟一名灌內一名熱內一名暉一名飛龍如鳩青色亦曰治鳥巢大如五斗器飾以土壘赤白相間狀如射侯犯者役虎害人燒人廬舍昔值洪水食都樹皮餓死化爲鳥姚王汪三姓其姓也晉諱五月上屋言五月人蛻上屋見影魂當去一廣有草名胡蔓以急水吞之即死慢水即緩死取

毒蛇殺之以此草覆之灑水菌生其上未爲毒藥殺人

北人淫南婦辭歸以毒五食約以年月復還辭以他藥不爾毒發死矣謂之定年藥南州者宜誌之

宋劉亮合仙丹頭白蟾蜍白蝙蝠得而服之立死唐人陳子真得蝙蝠大如鴉食之一夕大瀉而死

小蜘蛛長脚者一名蠓蛸一名長崎俗名喜子陸機疏詩名長脚荊州河內人謂之喜母

既成式云主夜神呪可辟惡夢呪曰婆珊婆演帝清泰小字二十三蓋正月二十三日生也以是日爲

千春節人臣奏對但云兩旬三日或數物則云二十
十二更過二十四不敢斥尊也

先賢傳魯百恭士名曰汜行年七十其恭益甚冬日
行陰夏日行陽一食之間三起

秦穆公時有人掘地得物若羊將獻之道逢二童子
謂曰此名為韞常在地中食死人腦若欲殺之以
栢東南枝撫其首由是墓皆植栢又曰栢為鬼廷
溪孝和時南海獻龍眼荔枝十里一置五里一候交
州記曰龍眼高五六丈似荔枝而圓小謝承書曰
唐羗字伯游上書諫以龍眼荔枝及生鮮獻之

馬晝夜傳送至有死者二物并疑未必延年益壽
帝從之

魏初傳古文出邺邺淳石經古文轉失淳法石長八
尺廣四尺碑石四十八枚廣三十丈魏文帝刊典
論六碑附於其次陸機太學贊別一碑在講堂下
載蔡邕歸說高堂谿昔名太學弟子贊復一碑在
外門中又一碑漢順帝陽嘉八年立云建武二十
七年造太學永建六年九月詔書脩太學工徒十
一萬二千人陽嘉九年八月作畢有晉辟雍行禮
碑是太始二年立

子曰乾之動直靜專坤動闢靜翕其根也天根每日
兩度翫八尾問巨壑則海沸出潮

世傳費長房得符於壺公以是制服百鬼其後鬼竊
其符因以殺長房

道士屍解謂之身經大陰

李泌在衡山事明瓚禪師瓚云欲學者先將筆硯碎
却明瓚比字大照之門人性懶群僧令看鹽雨至
流千池群僧敲之不怒冬月卧於龜前不起以粥
灑其頭因就頭取喫號懶瓚作明心論

漢崔篆著易林六十四篇篆嗣之祖父或曰卦林

或曰象林

白馬猶緇布名實而已



國家圖書館. NATIONAL CENTRAL LIBRARY. TAIWAN. R.O.C.

新學志卷六

六

新刻續博物志卷之七

晉隴西李石撰

明錢塘胡文煥校

老子谷神不死至用之不勤此章全是黃帝之言今在五千文內則老氏所著書恐非專已出

正月不食生葱三月勿食小蒜四月勿食大蒜五月勿食薤六月七月勿食菜萁成血痢八九月勿食薑并肝心肺十月勿食椒十一月十二月勿食戴甲之物并脾腎

眼者身之鏡耳者體之牖視多則鏡昏聽衆則牖閉

面者神之庭髮者腦之華心悲則面焦腦減則髮素精者體之神明者身之寶勞多則精散營竟則明消人死必視其形如生人足不青皮不皺目光不毀頭髮盡脫而失形骨者皆尸解也武德三年晉州人吉善行於羊角山見白衣父老呼善行曰為吾語唐天子吾為老君即汝祖也高祖因立廟高宗追尊玄宗皇帝明皇親註老子令學者習之兩京及諸州各置玄宗皇帝廟京師號玄宗宮諸州號紫極宮尋改西京為太清宮東京為太微宮皆置學生

蒿萊出尚國有毒百蟲不敢近蛇虺過其下誤觸之則目瞑不見物有中其毒者唯生薑汁解之

食黃顛魚後飲荊芥湯即死

草木之生動搖者生而不暢人之導引動搖引體者何故壽而不死

堯若腊舜若腊桀紂之君垂腴尺餘

王充曰雷公有神雷聲有器安得謂之神正月陽動故始雷五月陽盛故雷迅秋冬陽衰故雷潛太陽用事陰氣乘之陰陽分爭則相激射為毒中人則死中木則折人以震死試以斗水沃冶鑄之火火

氣激烈則為雷聲或曰雷火之及金石焦鎔而漆
氣不壞何也道家以雷燒石投井中石焦水寒激
聲大鳴

顏淵與孔子俱上泰山東南望吳昌門外孔子見白
馬引顏淵指之若見吳昌門乎顏淵曰見之有繫
練之狀孔子撫其目而止之顏淵髮白齒落遂以
病死蓋精力不及聖人而強役之也

椒似茱萸而小赤色

檉似黎而酢澁鹿食椒橘葉其肉自然作椒橘香江
東呼蘄為藤似葛而籠大梗似豫章杼斗為櫟或

言皂斗檉實似柰袖似橙而酢

淮南子曰狼者類知而非知也愚者類君子而非
君子也慙者類勇而非勇也使人相去也若王之與
石也葵之於菟也則論人易矣夫亂人者若芎藭
之與蘘本蛇牀之與靡蕪

蓂莢一名曆莢聖王以是占日月之數

朱草狀如小桑莖長三四尺枝葉皆丹汁如血朔望
生落如蓂莢周而復始可以染絳成黼蔽之章金
銀投其汁可使成圓泥成水為金漿以投之為玉
醴飲之令人長生出抱朴子

續博物志卷七
驃國諸蠻並不養蠶收娑羅木子破其殼中如柳絮
細織為幅服之謂之娑羅籠段

蠻法煮鹽成團為顆質則以顆計之

茶出銀生諸山採無時雜椒薑烹而飲之

生金出長傍諸山取法以春或冬先於山腹掘坑方
夏水潦蕩沙泥土注之坑秋始披而揀之有得片
塊大者重一斤或二斤小者不下三四兩先納官
十分之八餘許歸私仍累勞效免征賦麩金出麗
水河睽川有罪送淘金所最為重役會同川銀山
出銀鑛私置冶官收十之三諾睽川有錫山出錫

蘇耽柳縣人嘗與眾兒共牧牛更直為師錄每至耽
牛不逐自還既而辭母仙去又說年疫穿一井飲
之可得無恙

道士譚紫霄有觀燈之術說人禍福必中

耶頗世語云魏黃初盜發吳芮冢見芮屍容貌衣服
並如生吳平發冢人於壽春見南蠻校尉吳綱曰
君形貌可類長沙王吳芮乎但君微短耳綱矍然
曰是先祖也自芮卒至冢發四百年至綱又四十
年矣

丹水有石穴蝙蝠大者多倒懸百歲者倒懸得而服

使人神仙

陶隱居云學道之士居山宜養白犬白鷄可以辟邪
蘇枋木自然蟲糞為紫粉

秦二十一年鑄金狄十二釋氏之源本霍去病討休
屠王獲其祭天金人武帝以為神列於甘泉宮魏
黃初元年徙長安銅狄重不可致或言金狄泣因
留霸城南人有見薊子訓與父老共摩銅狄曰正
見鑄此時計爾日已近五百年矣董卓毀其九為
錢符堅毀其二為錢其一百姓推置陝北河中或
云翁仲頭髻常出晉軍至髻不復出

陳正敏所取者陳搏李瀆林逋魏野皆避世之士希
夷先生陳搏服氣辟穀二十餘年或寢百餘日不
起太平興國中召入復放還山一旦自作表云臣
搏大數有終聖朝難恋已於今月二十二日化形
於蓮華峯如期而卒七日支體猶溫五色雲蔽洞
口彌月不散已百餘歲矣

劉向列仙傳葛洪神仙傳沈玠續仙傳曾慥集仙傳
以異代事著於本朝者自區身不足當陳搏賀元
曾被祖宗眷異者名臣如歐陽脩劉九石延年皆
在賀元仕石晉為水部員外郎章聖東封謁道在

天聖初使弟子喻澄詣闕獻浮屠老子像直數十萬

毛女在華山山客獵師世世見之體生毛自言秦始皇宮人陳搏在華山或謗以與毛女往來

孔安國撰孔子弟子七十二人劉向傳列仙亦七十二人皇甫士安撰高士亦七十二人陳長文撰耆舊亦七十二人

李泌絕粒五六載身經能行於屏風上引指使氣可以吹燭至滅導引骨珊然有聲號鑠子骨

高子名熊楚人為文王師年九十見文王曰使

獸逐麋已老矣使臣坐策國事尚少也

枹葛仙公云素書乃河上公以授漢文帝也黃石公所授張子房多云陰符非也一云三畧乃子房所著非所授之書或曰河上公授漢文帝不應於子房墓中得之黃石公丹書身之八殺貪殘姦醜狡佞訐復命之四業背惠恃已狎不肖妬賢能

昔有一人好道而不知求道之方唯朝夕拜跪向一枯樹輒云乞長生如此二十八年不倦枯木一旦忽然生華華又有汁甜如蜜有人教令食之遂取此華及汁並食之食訖即仙

劉少翁曾數入太華山禮拜向山如此二十年遂忽
一旦得見兩嶽丈人授其仙道

一人數旦旦詣河邊拜河水如此十年河侯河伯遂
與相見與其白壁十雙教授水行不溺法

意以一名斡珠收子蒸令氣餽暴乾採取之作飯麵
主不饑

作乾薑法水淹三日畢置流水中六日更去皮然後
曝乾入甕瓶謂之釀也

淫羊藿一名仙靈脾淫羊一日百遍食藿所致

新主艾作乾菜妙作餛飩吞三五枚以飯壓之良療

一切鬼氣

蘇合香本草云生中臺川陶云是師子屎又云是諸
香汁煎之非一物從西域來者如紫檀重如石莫
莫是山葡萄

江東人通名楊柳楊葉短柳葉長

高座道人不肯作漢語或問此意簡文曰此簡應對
之煩和尚胡名尸梨密宋云高座西域人傳三國
王子以讓弟遂爲沙門永嘉中到中國順帝時琅
琊宮崇上其師於吉於曲陽泉水上得神書百七
十卷號太平清領書其言以陰陽五行爲家而多

巫覡雜語後張角頗有其書按江表傳道士于吉東來吳會立精舍燒香讀書孫策斬之曰昔高陽張津爲交州刺史常着絳帕頭鼓琴焚香讀邪俗道書爲蠻夷所殺此甚無益


真誥云吞琅玕之華而更營丘墓者衍門子高丘子洪崖先生羨門子墓在幽州漁陽高丘子墓在中山洪崖先生墓在武威此三郡縣人並云上古死人空塚

王子喬墓在京陵戰國時有發墓者唯見一劍漢地理志大江九江中一源而三目

楊雄益州箴巖巖岷山古曰梁州魯城北有孔子學堂蜀有文翁講堂北海有鄭司農儒林講堂字亦曰第言有甲乙之次第也漢書成帝王甲觀中書堂魏有茅堂



國家圖書館, NATIONAL CENTRAL LIBRARY, TAIWAN, R.O.C.



新刻續博物志卷之八

晉隴西李石撰

明錢唐胡文煥校

後漢襄楷延熹中上疏云宮中立黃老浮屠祠陛一
嗜欲不去豈獲其祚或云老子入夷狄爲浮屠淫
屠不三宿桑下不欲久生思愛精之至也天神遺
以好女浮屠口此但革囊盛血遂不貽之

漢帝問陳蕃徐稚袁宏孰爲後先蕃荅袁生公族不
鏤自雕至於徐稚傑出薄城故宜爲先

伏生爲秦博士文帝撰五經尚書大傳使掌故歐陽

續博物志卷八
生等受尚書於伏生深水有徵君伏生墓

晉書地道志曰遼西人見遼水上有浮棺欲破之語
曰我孤竹君也汝破我何爲因爲立祠或曰漢靈
帝時遼西太守廉翻因夢得之

此與前志小異

沈彬保大中以尚書致仕居江西高安手植一木於
平野戒諸子曰必塋我此地子孫伐木掘土深丈
餘得一石椁上刊八字云開成二年壽椁一所即
塋之

墨子惡樂故朝歌回車論譏考識曰邑名朝歌顏
不食七十弟子掩目宰子獨顧由履墮車宋均曰

子路患宰予顧視凶地故以足履之

瘞時有發古塚得銘云青州二十子東海女郎河東
賈吳以爲司馬越女嫁爲荀晞子婦檢之果然

東都殖業坊十字街有王戎墓隋代釀家穿其傍作
窖得銘曰晉司徒尚書令安豐侯王君銘

廣川王去疾發魏王子且渠塚甚淺塚無棺柩有石
床床下悉是雲母床上兩尸一男一女皆年二十
許東首裸卧顏色如生人鬚髮齒牙亦如生人王
畏懼不敢近

晉靈王塚屍亦不壞唯玉蟾蜍一枚

幽王塚甚高壯雲母深尺餘百餘尸相枕藉皆不朽
唯一男子餘皆女子

樂書塚有一白狐王擊之傷其足王尋病足死

蕭穎士與行侶共濟瓜洲舟中二少年相顧曰甚有
肖鄱陽忠烈王穎士是鄱陽曾孫即自歎陳二子
曰吾識而祖久矣遽負擔而去穎士北歸盱眙吏
獲發塚盜五六人穎士認江中二少年亦在內穎
士以前說詢之曰我嘗聞鄱陽王塚當門貴人顏
色如生與穎士相類此與吳綱似吳芮事頗同
事出水經穎士事出薛用弱集異記

九真山多大蛇名曰髯蛇長十丈圍七八尺吞鹿角
骨鑽皮出夷以大竹籤絞而食之楊氏南裔異物
志曰髯惟大蛇既洪且長采色駁萃其文錦章食
犬吞鹿腴成卷則膏厚嘉燕是豆膳

武強縣有行於塗得一小蛇養之名擔生長而墮人
里人遂捕繫獄擔生負而奔邑淪為湖縣官吏為
魚矣

漢光武二十年鮮于冀為清河太守作公廨未就而
亡後守趙高計工用二百萬黃秉劉適言四百萬
冀乃鬼見白日道從入府與高及東等對共計校

定爲適秉所割匿冀乃書表自理言高貴不尚節
壠畝之夫而箕踞遺類媚世求顯偷竊銀艾鄙辱
天官臣不勝鬼言去三十里車馬皆滅不見秉等
伏地物故高以狀聞詔差代以旌幽中之訟

老人晨渡朝歌水而怯紂曰老者髓不實故晨寒因
斲脛以視髓

紂有新聲靡樂作邑朝歌史記曰朝歌之音歌不時
也虞虢之間傳說隱室傳巖俗名之爲聖人窟

劉向叙晏子春秋稱古治子曰吾嘗濟於河至壘
驂以八砥柱之流吾從而歎之

孔子臨狄水而歌曰狄水衍兮風揚波船楫顛倒

相加汲縣舊汲郡有石夾水爲磻溪太公釣處

太公泉太公廟牧野竹書作毋野有比干墓前

石銘題隸云商大夫比干之墓所記唯此漢高宗

孝文各爲立碑

顏含字洪都兄歲得疾死於醫家人迎喪引喪者顛

仆曰我壽命未死但服藥太多傷五臟耳及婦

夢之曰吾當復生急開棺以手刮棺指爪盡傷氣

息甚微飲食所須託之以夢含侍養足不出戶者

十三年歲竟不起

二廣深溪石壁上有鬼影如澹墨畫船人行以為其
祖考祭之不敢慢俗好於門畫虎頭書聲字謂陰
司刀鬼名讀漢舊史儼逐疫鬼又立桃人蕭索滄
耳虎等聲為蓋滄耳也

俗傳鍾馗起於唐明皇之夢非也比史堯暄本名鍾
葵字暉卯子動字鍾葵宋宗憲妹名鍾葵非時明
皇時但葵馗二字異耳又曰終葵菜名閩中多木
綿植之數千株採其花紡為布名吉貝南史言林
邑等國出吉貝木以古為吉訛也

松葉柏身檜柏葉松身

黃公好謙女有國色而謙其美以為醜也女至難嫁
有鰥夫冒娶之乃國色果信黃公之謙

魏田父耕於野而得玉弗識也鄰人陰欲得之給曰
此怪石也田父置玉於室其光觸夜果以為怪棄
之於野鄰人從而盜之以獻魏王王工望而拜曰
此無價之寶

陶隱居書自奇世傳畫板帖及焦山下瘞鶴銘皆其
遺跡

王會稽七子擬操徽渙獻五人書迹傳世惟玄肅二
人未見而五子書各不同蓋善學父書者

郝氏夜祠佛鬼車乘燭光而下翼廣丈餘九首互相
低昂其家呼犬持杖逐之墜一羽長三尺許廣八
九寸色類鶩雁

江浙間有鳥名飛生狐首肉翅四足如獸飛而生子
卽隨母後人有難產以其爪安臍間立驗亦有
得其皮者

有異鳥鳴如嬰兒巢於木探得其雛大如鶩青首白
面嘴爪類鷹鶴或曰此鵬也

高麗人參贊正極五葉背陽向陰欲來求我椴樹相
尋椴木葉似桐甚久陰廣參多生其陰

王孫一名黃孫一名黃昏孫思邈有黃昏散注云黃
昏木或曰合歡合昏夜合花陳無已云探囊一試
黃昏湯草部木部黃昏爲二物郭璞曰守宮槐畫
日聶合而夜舒布也江東有木與此相反俗因名
合昏古今注云合歡似梧桐枝葉互相結風來解
使人不忿嵇康種之於舍前



國家圖書館, NATIONAL CENTRAL LIBRARY, TAIWAN, R.O.C.

新州志卷八

八

新刻續博物志卷之九

晉隴西李石撰

明錢唐胡文煥校

南昌縣出然石異物志云色黃而理疎以水灌之便熱以鼎炊物可熟置之則冷如此無窮元康中雷孔章入洛賫以示張公張公曰此謂然石

晉書曰漢末博士燉煌侯瑾善內學弱水出流沙流沙與水流行也在西海郡北山有赤石白色以兩石相打則水潤打之不已則潤盡火出山石皆然炎起數丈不滅有大黑風自流沙出奄之乃滅其

石如初不敢輕近耳

火井以草爨之則煙騰火發湯井以草內之則露凝鐸銷狀如刀戈殘刃有孔旁達出麗水飾以金所指無不洞夷人尤寶月以血祭之俗謂天降非人鑄鬱刃鑄以毒藥治取躍如星者淬以馬血成之傷一即死刀劍以柔鐵爲莖幹不可純用鋼純鋼不折則缺

天寶中交趾貢龍腦如婢蠶老龍腦樹節方有禁中呼爲瑞龍腦上唯賜貴妃十枚香氣徹十餘步葦葦山使高麗者望之甚遠前後下峭拔可愛其島

屬昌國縣其上平廣可以種蒔島人云蓬萊三仙人越弱水三萬里不應指顧間便見此外不得見山

馬緒摘朝符巨蟻長尺餘藍漬之歸誇北人兩頭蛇馬龍食牛血所化

鳴鳩毛氏云桔勒郭璞謂布穀鳴鳩毛氏云王雉郭璞謂鴟鵂斯毛氏云卑居又云鴉鳥郭璞云小雀好羣飛毛云桑扈爲竊脂郭璞云爲青雀好盜脂海州有人持一束黑物形如竹箴其人云海魚腮中毛可作屏風貼色似水牛角頭似猪鬃長三四寸

廣可一寸

人家有小蟲至微而響甚尋之卒不可見號竊蟲大如半胡麻形似鼠婦有兩角白色振其頭則有聲孟康朝作賦比之鬼魅

海州有溝水通淮過漕船寶應中堰破水涸東海主脩堰堰成輒壞或說梁代築浮山堰以鐵數萬斤填積其下乃成堰之壞如雷聲至是聲聞上流蓋鐵味辛辛能害目魚龍護目故畏鐵也有人淬劍於池池魚皆浮去

張勃吳錄曰彭澤有鳥接食團飯投之高下無失

山迎船鳥亦然

凡鳥三指向前一向後鸚鵡兩指向後

漢明帝永平五年長安迎取飛廉并銅馬置上西門

外晉灼曰飛廉鹿身頭如雀有角而蛇尾豹文實邵曰飛廉神禽能致風氣

宣王好射三石之弓而自以爲九石臣下從而悅之以非大王不能用其實三石也九石名而已

周官全羽為旒析羽為旌道路用旌節即此旌也顧愷之畫蘇武所執之旌上圓如幢下復數層紅羽駉駉然如夜合花此析羽也今國簿中節頗類此

其首亦圓相去尺餘有數重圓板以鼈牛尾綴之亦析羽遺法然蘇武漢節則旌節之制至於龍節虎節玉節之類則今虎符之類但可合符不必盡為旌耳顧畫節首一物若書卷豈亦符乎漢銅符以銅為之竹符以竹五寸鐫刻篆書其上

硯譜載天下之硯四十餘品以青州紅絲石硯為第一端州斧柯山石為第二歙州龍尾石為第三夜藏飲食於器中覆之不密鼠欲盜食不可至環器而走淚滴器中食之得黃疾通身如蠟

偷石類金成硯類玉木蘭類桂美醞類檀蛇床類

無人參類薺萇檜類栢狐狸類狗鸞鶩類鳳野馬類麟

肅宗時有告保定太守反者令李泌乘千里馬往案之千里馬寧遠所獻髮奉紫色狀如八駿乘者必衣裘冒絮似胡兒抱持早發扶風初馳三十里則皆旁側跳三十里外乃墜然而去唯聞耳傍風聲飛前蹄之上過耳辰時達保定中時歸奏事

顯帝有三子而亡去為疫鬼其一居江水為疫鬼其一居弱水為罔兩其一居人宮室垣塌善驚人小

兒

續博物志卷九
脚弱病用杉木爲桶濯足排橫腦兩股間以脚捆繫
定月餘即效

雜令曰蹄人者絆其足齧人者截其耳說文牛觸者
角著橫木

有一狼子生平多逆父旨父臨死囑曰必葬我水中
意其逆命得壟土中至是狼子曰生平逆父命今
死不敢違旨也破冢築沙潭水心以葬

本草經曰虎哨風生龍吟雲起磁石引鐵琥珀拾芥
漆得蟹而散麻得漆而湧桂得葱而軟樹得桂而
枯戎益累卵獺膽分杯其氣爽之相關感也

白偏記二曰小錄三曰逸事四名鑠言五曰郡事
六名家史七曰別傳八曰雜記九曰地理十曰都
邑簿

唐大順元年六月資州兵王全義妻如孕覺物漸下
入股至足大拇痛甚拆而生珠如彈圓漸長大如
杯

西京相璠曰京有小索亭世語以爲本索氏兄弟居
又爲索水晉志京有大索小索亭漢書京索之間
也

紀信塚在滎陽城西北三里

漢長安巧工丁緩作卧褥香爐爐體常平又作七輪
扇連七輪大皆徑尺一人運之滿堂寒戰今一法
並存

計然云人受命於天地變化而生一月而膏二月而
脈三月而胚謂如水胞之狀四月而胎謂如水中
鰕鮓胎也五月而筋六月而骨謂血氣變爲肉肉
爲脂肪爲骨也七月而成形八月而動九月而躁
十月而生

九章算法方田一粟米二差分三少廣四均輸五方
程六傍要七盈不足八鈞股九

語云王中郎以圍棋爲坐隱或亦謂之爲手談又
謂之爲碁聖

竇數王獻云東方朔以爲寄生賣餅人結茅爲經以
戴頭上狀如環

蟹鬚精上有孔其中有子有泥食之殺人

露布捷書之別名以帛書揭之竿魏武奏事謂之露
板

公孫龍以書有四目四聰遂以聽天地人爲滅之三
耳滅善也以白馬非白馬教也其意若改其說無
以教人

易之生物奇偶三才之數三三而九九八十一主
日日數十故人十月而生八九七十二偶以承奇
奇主辰辰主月月主馬馬十二月而生七九六十
三三主升升主狗狗三月而生六九五十四四主
時時主豕豕四月而生五九四十五五主音音主
猿猿五月而生四九三十六六主律律主禽獸故
禽鹿六月而生三九二十七七主星星主虎虎七
月而生二九十八八主風故蟲八月而化
陶谷子妻曰南山有豹霧雨七日不下食者欲以澤
其衣毛而成其文章故藏以遠害

齊民要術曰梧桐山石間生者為樂器則鳴

周書曰清明之日桐始花桐若不華歲有大寒

太行即五行之異名淮南子曰武王欲築宮於五行
之山

倚頓魯之窮士耕則常寒聞朱公富往問術焉朱公

曰子欲速富當畜五牸

童子操戈與孟賁戰孟賁必不勝童子脩禮盡敬雖
孟賁不忍犯

鳩食桑椹則醉猫食薄苛則醉虎食狗則醉

管子曰聽宮如牛鳴窳中

續博物志卷九
牛糞積面牛鼓簧是也

積皂莢制油瓶其中永不蛀踏鷄子殼令人患白癩
風踐壞竈土令人害瘡

桑柴灰取汁煎白礬治壁鏡蛇毒石榴名天漿已乳
石毒

桃根爲印可召鬼

卧欲縮足不欲左脇

牖里在湯陰縣廣雅稱獄犴也夏曰夏臺商曰麥里
周曰囹圄皆圜土也

新刻續博物志卷之九

新刻續博物志卷之十

晉 隴西 李石 撰

明 錢唐 胡文煥 校

舊說千歲之龜巢於蓬萊遊於卷耳之上
按乾鑿度曰垂皇策者蓋伏羲用著卦已重矣然而
世質民淳法惟用七八六十四卦皆不動若乾止
於乾坤止於坤不能變也夏商因之皆以七八爲
占連山歸藏是已後世流薄始用九六爲占不如
是不足以應天下之變

諸侯叛桀關龍逢引皇圖以諫桀殺之伊尹諫桀

桀曰天之有日如吾之有民日亡吾乃亡矣與前志小異
紂剖比干觀其心桀殺龍逢無剖心之事桀惟比之
於日紂乃詐命於天

西伯軍至鮪水紂使膠鬲侯周師問曰西伯將焉之
曰之薛膠鬲曰無我欺曰不予欺也將伐紂曰何
日至曰以甲子膠鬲以是日報紂是日雨甚卒病
講休師西伯曰膠鬲已報其主以雨進兵救膠鬲
之死也商容與殷民觀周師之入見畢公曰吾新
君也容曰非也其人將有急色君子臨事而懼見
太公曰吾新君也容曰非也其人虎踞而鷹趾當

敵將衆威怒自信見利即前不顧其後故君子臨
衆果於進退見周公曰吾新君也容曰非也其爲
人忻忻行休志在除賊是非天子則周之相國故
聖人臨衆知之見王曰吾新君也容曰聖人爲海
內討惡見惡不怒見善不喜顏色相副以是知之
犀出越駘以隔穿取之每殺天震雷暴雨
野桑生石上取以爲弓不膠漆而利

淮南子曰鯀堙洪水盜帝之息壤帝使祝融殺之于
羽淵今荊州南門外有狀若屋宇隔土中而猶見
其脊傍有石記云不可犯舂鍾所入輒復如故又

續博物志卷十一
頗以致雷雨近代有妄意發掘水空出不可制與前

志小異

佛樓沙國有佛鉢受三斗許青玉也或曰青石或曰雜色而墨多四際分明厚可二分貧人以少華授中郎滿富人以多華正復百千萬斛終不滿或曰在月支國

穆天子傳曰天子賓於西王母乃紀其迹於弇山即

西王母之山

武王既勝紂登邠之阜以望商邑曰自癸未生六十年麋鹿在牧蜚鴻滿野徐廣乃引內史邊之言曰

夷羊在牧張華以爲文王之詞曰水潦東流飛鴻

滿野又曰自癸未生之十年與前志小異

淮南子云亂之所生皆在流道大興宮室延樓棧道鷄棲井幹側木構榱以相支持木巧之飾此適於木也

魏軍南伐朱脩之守滑臺城不下其母悲憂乳汁驚出乃號踴告家人曰我年老非有乳時今忽其不免是日城陷

帝王世紀堯時厨中自生肉脯薄如翼搖鼓則生風使食物寒而不臭

續博物志卷十
堯緝獬豸之皮以爲帝帳

嶺南溪洞中往往有飛頭者故有飛頭老子之號頭
將飛一日前頸有痕匝項如紅縷妻子共守之及
夜生翼飛去曉却還

梵僧菩薩勝言闍婆國中有飛頭其俗所祠名曰蟲
落因號落氏

河圖曰少室山大竹堪爲甌噐山海經舜林中大竹
一節可以爲船漢竹大者一節受一斛小者數升
爲捍楹廣志曰雲母竹大竹也攤竹細而多刺也
蔥竹堪作笛箏竹宜爲屋椽蔓竹皮青內白一室

輒韌可爲索

竹譜曰竹之則類六十有一

南越以孔雀珥門戶崑山以璞玉抵烏鵲

燕避戊巳蝠伏庚申一歲三蠶則桑弱馬耗

孔子曰遠山十里螻蛄之聲猶在於耳政事惡謹而
善肅

蚯蚓長吟地中江東謂之歌女

木瓜味酢善療轉筋陶隱居云如轉筋時但呼楸名
及書上木瓜字輒愈

穀膠可以固丹砂又曰爲金石之漆

橘柚彫於北徙石榴鬱於東移

呂氏春秋曰善學者若齊王之食雞必食其跖數千而後可足也

慕容暉有馬跨四十九年駿逸不駢鑄銅爲之像親爲銘讚

撥拔力國有異獸名駝牛皮似豹蹄類牛無峯項長九天身高一丈餘

水麝天寶初虞人獲水麝詔養之臍中唯水漉滴於斗水中用灑衣至敗香不歇每取以針刺之捉以真雄黃香氣倍於肉麝此與前說水麝小異併錄

之

張華爲黃門侍郎博覽圖籍千門萬戶畫地成圖司馬遷欲自成一家瓊瑤經傳之文以從世變可也至改古文尚書論語可乎

楚王使屈原造爲憲令屬草蕪未定上官大夫見而欲奪之原不與諍之曰王使屈原爲令衆莫不知每一令出平伐其功以爲非我莫能爲也王因是疏屈原

庚桑子出山人王士源采莊子庚桑篇爲之目云其先人於山中得古本唐人疑之竟不施行今亢倉

子三卷是也

漢蜀人趙賓好異說以氣無箕子箕子者萬物芸茲也顏師古曰古皆莠箕同音

貴妃以假髻爲首飾曰義髻僖宗內人束髮甚急爲囚髻唐末婦人梳髮以兩鬢抱面爲拋家髻

望梅生津食芥墮淚此五液之自外至也慕而垂涎愧而汗發此五液之自內至也

良常山有螢火芝大如豆夜視有光得食一枚心中一孔明食七枚七孔明可夜書華陽洞亦有五種夜光芝包山有白芝

王獻云有書契以來便應有筆世傳蒙恬制非也崔豹曰蒙恬以枯木爲管以鹿毛爲柱羊毛爲被所謂毫非今之竹兔也

元和中元積使蜀營妓薛濤造十色彩牋以寄元稹於松花紙上寄詩贈濤蜀中松花紙雜色流沙紙彩霞金粉龍鳳紙近年皆廢唯餘十色綾文紙尚在

湘州記蔡子池南有石曰是蔡倫春紙白

李司徒勉在汴州得異骨一節可爲硯南海時得於海商云是蜈蚣脊骨

蕭史與穆公鍊飛雪丹第一轉與弄玉塗之今之女
銀賦粉也三代以降塗紫草爲臙脂周以紅花爲
之或曰出於闕氏

葛洪曰沈義學道於蜀中與妻共載

管子曰武王爲侈靡令曰豹擔豹裘方得入廟故豹
皮百金功臣之家裘千鍾而未得一豹皮

陵陽子明經云春食朝霞日欲出時黃氣也秋食淪
陰日沒以後赤黃氣也冬食沆瀣夜半氣也夏食
正陽南方日中氣也并天黃地黃爲六氣

墨子作木鳶飛三日不集公輸子之雲梯墨子之飛

鳶是也

今之紙鳶引絲而上令兒張口望視以洩內熱

同光中莊宗遣平蜀得王衍金銀命悉鎔之爲金博
銀博約重三百斤一博開一竅二人擔之上有三
人名曰馮高過荆南高季興曰馮高主屬我坑
更持而有之儲爲一庫皇朝建隆中金銀入京師
斤兩封緘如故

華俗謂上金爲紫磨金夷俗謂上金爲楊邁金

印子金世傳淮南王安藥金上有印子篆文劉主字
壽州八公山土中耕者往往得之小餅重半兩有

一印大餅至七兩有二十許印

襄趙之間故春陵白水之地多得金麟趾裏號金趾
中空四旁有文刻工巧裏號似於平物上滴成如
乾柿土人謂之柿子金或曰此妻敬所謂藥金和
藥最良

古玉器有奇特非雕琢人功者多是昆吾刃及蝦蟇
肪所刻肪可得取肥者剉煎膏塗玉亦軟滑易截
冬瓜仁七升以絹袋盛之投三沸湯中暴乾如此三
度苦酒浸一宿爲末日服方寸七令人不老
通天犀千歲者長且銳白星徹端出氣通天則能通

神可破水駭雞矣抱朴子有白理如線者以盛米
雞即駭刻爲魚銜入水水開三尺

勒畢國人長三寸有翼善言語戲笑因名語國飲丹
露爲漿丹露者日初出有露汁如朱也

漢武習水戰作昆明池釣魚綸絕而去夢魚求去其
鈞明日帝戲於池見魚銜索爲去之復遊於池得
珠一雙

東海負嶠山有冰蠶長七寸有鱗角以霜雪覆之始
爲繭其色五綵織爲文錦入水不濡投火不燎
石決明亦名九孔螺

魚子合猪肝食之殺人

陳藏器云蟬脚中髓及腦殼中黃並能續斷絕筋骨
碎之微熬內創中筋即連

方言云桂林之中謂守宮能鳴者以蛤蚧相似

蜘蛛網纏贅洗七日消爛屢有驗

柚似橙而大於橘石蜜其實乳糖

芎藭不可久服令人暴死

蠶與蜜同食可以休糧

山口揚州出身黎蘇合香一兩酒一斗同煮極能調

五臟

董漢者婆羅門云阿魏苗根似白芷

胡麻性與茯苓相宜即巨勝

苦參爲齒藥使人傷腎腰重麵熱楚冷

棗與棘相類皆有刺

粳粟米五穀中最硬得漿水易化倉粳米炊作乾飯

食之止痢

採芙蓉葉置席下能去蚤虱子

仙家謂醋爲華池左味

白髮鬚鍤去消臘點孔中即生黑者

松脂杏仁棗肉茯苓等分食後服五十粒可不饑

有黃連桔梗勿食猪肉有茯苓勿食酢肉有細辛勿食生菜

古無純銅作鏡者皆有錫雜之

巴豆神仙食一枚即死鼠食三年重三十斤

麩金是毒蛇屎

徵姓舉事當忌亥日以火絕在亥

巳日巳年不殺蛇

段成式云神荼鬱壘領萬鬼

瘡鬼小不能病巨人故口壯士不病瘡晉人曰君子

不病瘡蜀人以瘡瘡為奴婢瘡

涼遠南越志曰珠有九品寸五分以上至寸八九

分為大品有光彩一遺以平似覆釜者名璫珠璫

珠之次為走珠走珠之次為滑珠滑珠之次為磊

螺珠磊螺珠之次為官雨珠官雨珠之次為稅珠

稅珠之次為蔥珠

元封二年大秦獻花蹄牛高六尺尾環透角生四耳

阿薩部多蠟虫鹿剖其肉重疊以石壓之瀝汁稅

波斯鬱林等國草子釀於肉汁中經數日即變

酒飲之可醉



國家圖書館. NATIONAL CENTRAL LIBRARY. TAIWAN. R.O.C.

續博物志卷十

十一